

Holdrio!

Naja, we woll di meistea wo das mail ueberchoemed wuessed haet s mich fuer 5aehalb moenet uf indie voschlagae, und nochdem dass ich jetz doch scho bitz meh als 2 wuchae do bi hani denkt ich schriib mol chli was do so abghoht... jo, und well es paar luet gfundae haend ich soell doch mol es paar bildli schickae und ich grad chli schriibfuul bi han ich denk ich probier s mol so...

Do wohni:

D schuel woni bi isch oepe e stund oestlich vo Bangalore in suedindiae, imene kaff namens Whitefield. Mir sind anere relativ ruhigae stross (voglichae mit andere strossae do ;-), und nebeddra isch grad em stephen siin shop wo me chan wasser poschtae wenn uesen wasserboy mol vopennt het (was aber selte vorchunnt... aber s git doet au fertigkafibuetel und so...)



S gebaeude isch recht cool, s haet we 2 teil und i de mitti in innahof, und uf em dach 2 riiiiisae dachterasse, die sind de hammer...



D Schueler:

Ich bi jo do am englisch underrichtae, und d schueler sind alles tibetische fluechtlings, so zimli i miim alter. D foeteli tuesched leider nid, es haet wuerkli fasch kei frauue do, es sind total 16 schueler, 14 jungs und 2 maedels... Jewiils 4 schueler schlofed zaeme i eim zimmer...



S Schuel geh:

Tja, mit powerpoint isch leider nix do, di armae schueler moend effektiv mini handschrift entziffere... ich han e 1.5x1m grosses whiteboard zur verfuegig, und da isch amigs zimli schnell zimli chaotisch gfuellt... s level vo de schueler

isch recht unterschiedlich, obwohl alli scho 1.5 johr a dere schuel sind, und di meiste au vorher in dharamsala scho englisch glernt hend. Di einte sind nid ganz eifach z vostoh, und di andere choent s fasch so guet we ich ;-) aber s goht im grossae ganzae zimli guet...



Ps: es lied losae i de stund klapped uebrigens nu denn wenn mer nid grad per zuefall en power-cut haend, aso en stromusfall, und da chunnt im schnitt doch oepe taeglich vor, und s dured zwuesched 30 sekundae und 4 stund ;-)
mir haend drum au scho 2 mol bi cherzaeliecht znacht gaessae...



D schueler sind echt voll motiviert, sehr fliisig (au waered de self-study time) und saeged noch jedere stund es ernst gmeints „dankae“, da isch scho no geil...



S Lehrerteam:

Uf em erstae foeteli gseht me dae Karma, da isch de informatiklehrer, si haend do sachae we photoshop, pagemaker und woged sich sogar jetz denn no a netzwerk anae... de karma isch au tibeter, aber z indie ufgwachsae, und macht drum super feine chai, yumm!



Daenn haemmer rechts im bild de Tenzin, git philosophie, i de mitti de Rinzin (Chinesischlehrer und "Schuelmanager") und links isch no mini vorgaengerin, d Ursula vo Winterthur...



Freiziit:

Guets stichwort, well ich „nu“ 3 stund (aber defuer volli stund, ka 45' lektionae) mues schuel geh han ich naemqli zimli vill devo, we me uf dem bild gseht... und d haengemattae isch au fasch oepe s erscht gsi woni z bangalore poschted han ;-)



D freiziitbeschaeftigung vo de lehrer isch neuerdings blobby (aber gschlagae haet mi no niemerd), miin negativae iifluss haet sich leider scho bemerkbar gmacht...



D luet sind aber au recht sportlich do, saeg s basketball im innaehof,
gwichthebae uf em dach oder neuerdings au haeckisaekae (das choends
allerdings scho vill besser als ich...)





Ah jo, und denn haet s do au no e recht grossi bibliothek, und am wuchenend doerfeds film luege, was amigs sehr extensiv gnutzt wird...

Essae:

Au es spannends thema... es git eigentli jedaе tag oepe s gliich, zum zmorgae milchtee und Timo, da isch daempfts brot (well s do kan ofae hend), zum zmittag riis mit gmuess (wobii s gmuess zu 95% us herdoepfel bestoht; mir aessed aso riis und haerdoepfel) und zum znacht Tupa, e gmuessuppae wo gnuesslich gschluerft wird, und jedaе 2. tag es paar zum teil recht zaechi fleischstueckli drin haet...

da toent jetz villicht nid so begeistered, es isch aber wuerkli fein, und ich han mi scho sehr dra gwoehnt! Und ab und zu gits au oepis anders, we z b Momos (so gfuellti teigtaeschli, d daempft oder i de suppae), oder au mol fried rice, koched immer vo dene schueler wo grad i de kitchen crew iielt sind... und denn git s au immer d moeglichkeit zum z bangalore edelscht go indisch aessae...





S Waetter:

Ihr haend sicher scho alli ganz niidisch festgstellt dass s uf allnae foeteli blauae himmel isch, ich saeg eu, das isch kei zuefall... und eu zum thema temperatur spricht glaub s foeteli fuer sich...



Whitefield:

Kei ahning we vill liwohner das kaff haet, aber es sind scho es paar, und wohnae toents i allnae moeglichae behuusigae, vom edle halbpalast bis zum zelt :-(



Whitefield isch nid speziell schoen, aber s haet en friedlichae park, eis feins indischs resti und diversi high-tech technology parks mit glasfasade und allem wo dezueghoert...



Vochersmittel:

Das do isch so standardtaxi, vo de klapperigae bues hani no kei foeteli
gmacht, und amigs simmer au mit em roller underwaegs...





Bangalore:

I minae 2 uusflueg bis jetz hani nonid vill gsaeh usserd d M G Road, benannt noch em Mahatma Gandhi, e groeberi iichauffstross mit KFC und Domino's pizza...

aber s isch effektiv zimli hektisch do, es riisae gehupae, voschiedensti vochersteilnehmer (wo anschienend zum teil nid emol wuessed was „rot“ beduetet ;-) und die notiz uf em letschtae foeteli haend glaub leider nonid ganz alli glaesse...





Zum schluss:

Jo eh, du haesch richtig glaesae, da isch s letschi foeteli gsi, und ich glaub es langed au mol fuer de moment... ich weiss nid oeb da uebercho isch, aber s isch voll gmuetlich do, fasch we i de ferie ;-)

I dem sinn, liebi gruess und hebed durae, irgendwenn chunnt au bi eu de summer

Marcel / chesi / cheese